

三才廣志

也

廣志卷之六百五十七

詩事實

詩雅鄭不同部

或者曰詩三百篇皆雅樂也祭祀朝聘之所用也桑間濮上之音鄭衛之樂也世俗之所用也雅鄭不同部其來尚矣且夫子荅顏淵之問於鄭聲豈欲放而絕之豈其刪詩乃錄淫奔者之辭而使之合奏於雅樂之中乎亦不然也雅者二雅是也鄭者緇衣以下二十一篇是也衛者邶鄘衛三十九篇是也桑間衛之一篇桑中之詩是也二南雅頌祭祀朝聘之所用也鄭衛桑濮里巷汙邪之所歌也夫子之於鄭衛蓋深絕其聲於樂以為法而立

其詞於詩以為戒如聖人固不語亂而春秋所記無非亂臣賊子之事蓋不如是無以見當時風俗事變之實而垂監戒於後世不得已而存之所謂道並行而不相悖也今不察此乃欲為之諱其鄭衛桑濮之實而文之以雅樂之名文欲從而奏之宗廟之中朝廷之上則未知其將以薦之何等之鬼神用之何等之賓客而於聖人為邦之法又豈不為陽守而陰叛之耶其亦誤矣

詩体不同

詩体不同固有鋪陳其事而不加一詞而意自見者然必其事之可言若清人之詩是也至於桑中溱洧之篇則雅人壯士有難言之者矣孔子之稱思無邪以為詩三百篇勸善懲惡雖其要歸皆出

於正然未有若此言之約而進者耳非以作詩之
人所思皆無邪也今必曰彼亦無邪之思鋪陳淫
亂之事而閨惜懲創之意自見於言外則曷若曰
彼雖以有邪之思作之而我以無邪之思讀之則
彼之自狀其醜者乃所以為吾警惧懲創之資耶
而況曲為訓說而求其無邪於彼不若反而得之
於我之易也巧為辨數而歸無邪於彼不若反而
貴之於我之切也若夫雅也鄭也衛也求之諸篇
固各有目矣雅則大雅若干篇是也鄭則鄭風若
午篇是也是則自衛反魯以來未之有改而風雅
之篇說者又有正變之別焉至於桑中小序政散
民流而不可止之文與樂記合則是詩之為桑間
又不為無所據者今必曰三百篇皆雅而鄭風不

為鄭邠鄘衛之風不為衛桑中不為桑間亡國之音則其篇帙混亂邪正錯揉非復孔子之舊矣且於小序之無稽可笑者猶薦信之而於其有據者反不之信此又何耶夫二南正風房中之樂也鄉樂也二雅之正雅朝廷之樂也商周之頌宗廟之樂也是或見於序又或出於傳記皆有可考至於變雅則固已無施於事而變風又特里巷之歌其領在樂官者以為可以識時變觀土風而賢於四夷之樂耳今必曰三百篇皆祭祀朝聘之所用則未知桑中當薦何等之鬼神漆洎當接何等之賓客耶蓋古者天子巡狩命太師陳詩以觀民風固不可問其美惡而悉存以訓也然其與先王雅頌之正篇帙不同施用亦異如前所陳則固不無於

龍雜矣今於雅鄭之實察知既不詳於麗雜之名
畏之又太甚顧乃引夫淫放之鄙詞而又以風刺
之美說必欲強而置之諸先王雅頌之列是乃反
為麗雜之甚而不自知也夫以胡樂與鄭衛合奏
尤曰不可而况強以桑中溱洧為雅樂又欲合於
鹿鳴文王清廟之什而奏之宗廟之中朝廷之上
乎其以二詩為猶止於中聲者太史公所謂孔子
皆絃歌之以求合於韶武之音其誤蓋亦如此然
古樂既亡夫所考正則吾不敢必為之說独以其
理與其詞推之有以知其必不然耳又以為近於
勸百諷一而正乎礼義 信大序之過者夫有
所謂諷者若漢廣知不可而不求大車有所 而
不敢則猶有所謂礼義之止也若桑中溱洧則吾

不知其何詞之諷而何礼義之止乎哉若曰孔子嘗欲放鄭声矣不當於此而又收之以備六籍也此則魯南於戰國策刘元城於王足之論皆嘗言之又豈候吾言而後白也哉大抵吾說之病不過得罪於桑間洧外之人而其力猶足完先王之樂彼說而善則二詩之幸而雅樂之不幸甚矣抑具於溱洧而取范氏之說則又似以鄭詩為鄭声者豈理之自然固有不可奪者耶因讀桑中之說而惜前論之不及竟又痛伯共父之不可作也因書其後以為使伯恭父而文此未雖必遽以為然亦當為我道然而一嘆也烏乎悲夫

詩序之辨

詩序之作說者不同或以為孔子或以為子夏或

以為國史皆無明文可考唯後漢書儒林傳以為
衛宏作毛詩序今傳於世則序乃宏作明矣然鄭
氏又以為諸序本自合為一編毛公始分以實諸
篇之首則是毛公之前其傳已久宏得增廣而潤
色之耳故近世諸儒多以序之首句為毛公所分
而其下推說云云者為後人所益理或有之但今
考其首句則已有不得詩人之本意而肆為妄說
者矣况公襲云云之誤哉然計其初猶必自謂出
於臆度之私非經本文故且自為一編別附經後
又以尚有齊魯韓氏之說並傳於世故讀者亦有
以知其出於後人之手不尽信也及至毛公引以
入經乃不綴篇後而超冠篇端不為註文而直作
經字不為疑辭而遂為決辭其後三家之傳又絕

而毛說孤行則其抵牾之迹無復可見故此序者
遂若詩人先所命題而詩文反為因序以作於是
讀者傳相尊信無敢擬議至於有所不通則必為

授卜商為之序以授魯申申授李克克授孟仲子
仲子授根牟子牟子授荀卿卿授毛亨亨作詠訓
傳以授毛萇以二公之所傳故名其詩曰毛詩也

公趙公治詩為河澗獻王博士授貫長卿長卿授
解延年延年授徐敖由是言毛詩者本之徐敖貫
長卿解延年徐敖鄭玄取毛氏詁訓所不及及異
同者續之為注解謂之箋箋薦也主薦成毛意衛
宏初謝曼卿善毛詩乃為其訓宏從曼卿受李因
作毛詩序善得風雅之旨于今傳于世賈逵作毛
詩傳鄭玄作毛詩箋馬融作毛詩傳鄭衆作毛詩
傳

文中子續詩

薛收曰敢問續詩之備六代何也子曰其以仲尼
三百始終於周乎收曰然子曰余安敢望仲尼然
至興衰之際未嘗不再三焉故其六代始終所以
告也薛收問續詩子曰有四名焉有五志焉何謂

四名一曰化天下所以風天下也二曰政蕃臣所以移其俗也三曰頌以成功告於神明也四曰歎以陳誨立誠于家也凡此四者或美焉或勉焉或傷焉或惡焉或誠焉是謂五志子謂續詩之有化其猶先王之有雅乎續詩之有政其猶列國之有風乎子曰變風變雅作而王澤竭矣變化變政作而帝制衰矣文中子曰諸侯不貢詩天子不採風樂官不達雅國史不明變鳴呼斯則久矣詩可以不續乎李伯藥見子而論詩子不荅伯藥退謂薛叔曰吾上陳應劉下述沈謝分四声八病剛柔清濁各有端緒音若墳笈而夫子不應我其未達歟薛叔曰吾嘗聞夫子之論詩矣上明三綱下達五常於是正存亡辨得失故小人歌之以貢其俗君

子賦之以見其志聖人采之以觀其變今子營營
馳騁乎末流是夫子之所痛也不答則有由矣子
謂叔恬曰汝不為續詩乎則其於七代損益終憑
然也子謂續詩可以諷可以達可以蕩可以獨處
出則弟入則孝多見治亂之情

晉束皙補亡詩

補南陔白華華黍由庚崇丘由儀詩六首

許叔牙詩纂義

唐正觀許叔牙為洪文館直學士於施充遂敵纂
義十篇御史大夫高智周見之曰欲明詩者宜先
讀此

草木虫魚圖

唐開成中文宗命集賢院修撰詩草木虫魚圖并

繪物象大季士揚嗣復季士張次宗上之

作詩之由

或有問於余曰詩何為而作也余應之曰人生而靜天之性也感於物動性之欲也夫既有欲矣則不能無思既有思矣則不能無言既有言矣則言之所不能盡而發於咨嗟詠嘆之餘者必有自然之音響節奏而不能已焉此詩之所以作也曰然則其以教者何也曰詩者人心之感物而形於言之餘也心之所感有邪正故言之所形有是非惟聖人在上則其所感者無不正而言其皆足以為教其或感之之雜而所發不能無可擇者則上之人必思所以自反而因有以勸懲之是亦所以為教也昔周盛時上自郊廟朝廷而下達於鄉

黨閭巷其言粹然無不出於正者聖人固已叶之
声律而用之鄉人用之邦國以化天下至於列國
之詩則天子巡狩亦必陳而觀之以行出陟之典
降自昭穆而後寢以陵夷至于東遷而遂廢不講
矣孔子生於其時既不得位無以行帝王勸懲黜
陟之政於是時牽其籍而討論之去其重複正其
紛紜而其善之不足以為法惡之不足以為戒者
則亦刊而去之以從簡約示久遠使夫學者即是
而有以考其得失善者師之而惡之妻與遷就穿
鑿而附合之事使經之本文意反破碎不成文理
而終不忍明以小序為出於漢儒也愚之病此久
矣然猶以其所從來也遠其間容或真有傳授証
驗而不可廢者故既頗未以附傳中而復并為一

編以還其舊因以論其得失云

詩之傳授

詩自齊魯韓氏之說不得傳而天下之學者蓋朱
毛氏毛氏之學傳者亦衆王而述之類今皆不存
則推衍說者又獨鄭氏之箋而已唐初諸儒爲作
疏義因訛踵陋百千萬言而不能有以出乎二氏
之區域至於本朝劉侍讀歐陽公主丞相蘇黃門
河南程氏橫渠張氏始用己意有所發明雖其深
淺得失有不能同然自是之後三百五篇之微辭
奧義乃可得而尋繹蓋不待諸於齊魯韓氏之傳
而學者已知詩之不傳於毛鄭矣及其既久求者
益衆說者愈多同異紛紜爭立門戶無復推讓相
述之意學者無所適從而反以爲病今觀呂氏

家塾之書兼總衆說巨細不遺挈領提綱首尾該
貫既足以息夫同異之爭而其述作之體則雖融
會通徹渾然若出於一家之言而一字之訓一事
之義亦未嘗不謹其說之所自及其斷以己意雖
或超然出於前人意慮之表而謙讓退托未嘗敢
有輕議前人之心也嗚乎如伯恭父真可謂有
意乎溫柔敦厚之敬矣孝者必是讀之則於可群
可怨之旨其庶幾乎

詩禮樂

詩本性情有邪有正其為言既易知而吟詠之間
抑揚反覆其感人又易入故孝者之初所以興起
其好善惡惡之心而不能自己者必於是而得之
禮以恭敬辭遜為本而有節文度数之詳可以固

人肌膚之會筋骸之束故孝者之中所以能卓然自立而不為事物之所搖奪者必於此而得之樂有五声十二律更唱迭和以為歌舞分音之節可以養人之情性而蕩滌其邪穢消融其渣滓故孝者之終所以至於義精人熟而自和順於道德者必於此而得之是孝之成也按內則十歲孝幼儀十三孝樂誦詩二十而後孝禮則此三者非小孝傳授之次乃大孝終身所得之難易先後淺深也程子曰天下之英才不為少矣特以道孝不明故不得有所成就夫古人之詩如今之歌曲雖閭里童穉皆習聞之而知其說故能興起今雖老師宿儒尚不能曉其義况孝者乎是不能興於詩也古人自洒掃應對以至冠昏喪祭莫不有礼今皆廢

壞是以人倫不明治家無法是不得立於禮也古
人之樂聲音所以養其耳采色所以養其目歌詠
所以養其性情舞蹈所以養其血脈今皆無之是
不得成於樂也是以古之成材也易今之成材也
難曰詩者樂之章也故必季樂而後誦詩所謂樂
者蓋琴瑟埙篪樂之一物以漸習之而節夫詩之
音律者也然詩本於人之情性有美刺風喻之旨
其言近而喻曉而從容諷嘆之間所以漸漬感動
於人者又為易入故季之所得必先於此而有以
發起其人義之良心也至於禮則有節文度數之
詳其經至於三百其儀至於三千其初若甚難強
者故其末季詩也先已季幼儀矣蓋禮之小者自
為童子而不可闕焉者也至於成人然後及其大

者又必服習之久而有得焉然後內有以固其肌膚之會筋體之束而德性之守得以堅定而不移外有以行於鄉黨州閭之間達於宗廟朝廷之上而其醇酢之際得以正固而不亂也至於樂則聲音之高下舞蹈之疾徐尤不可以旦暮而享其所以養其耳目和其心志使人倫肌浹髓而安於仁義禮智之實又有以思勉之所及者必其甚安且久然後有成其德焉所以孝之最早而其見郊反在詩禮之後也

詩樂

詩之作本為言志而已方其詩也未有歌也及其歌也未有樂也以聲依永以律和聲則樂乃為詩而作非詩為樂而作也三代之時禮樂用於朝廷

而下達於閭巷季者諷詠其言以其求志詠其聲
執其音舞蹈其節以涵養其心則聲之所助於詩
者為多然猶曰吳於詩成於樂其求之固有序矣
是以凡聖賢之言詩主於聲者少而發其義者多
仲尼所謂思無邪孟子所謂以意逆志者誠以詩
之所以作本乎其志之所存然後詩可得而言也
得其志而不得其聲者有矣未有不得其志而能
通其聲者也就使得之止其鐘鼓之鏗鏘而已豈
聖人樂云樂云之意哉况今去孔孟之時千有餘
年古樂散亡無復可考而欲以聲求詩則未知五
樂之遺聲今皆以推而得之乎三百五篇皆可協
之音律而被之絃歌已乎誠既得之則所助於詩
多矣然恐未得為詩之本也况未必可得然今之

所講得無有盡餅之譏乎故愚意竊以為詩出乎
志者也樂出乎詩者也然則志者詩之本而樂者
其末也末雖亡不害本之存患李者不能平心和
氣從容諷詠以求之情性之中耳有得乎此然後
可得而言顧所得之淺深如何耳有舜之文德則
聲為律而身為度簫韶二南之聲不患其不作此
雖未易言然其理蓋不誣也

詩有正變美刺

聖人著書立言蓋善惡必錄有善則極其所至者
稱之有惡則併其情而狀之可言者言之凡以示
夫勸懲而已矣然而醜亂之迹惟幕之私言之於
他書已非大雅君子之所欲况詩則非徒使人誦
之而已復使人歌之非時使人歌之而已復使人

舞之以其淫佚之事君子所諱聞之言不忍則之
削之而使後季習焉此後世有疑於聖人焉也曰
風雅有正變美詩之言合乎法度所謂正也刺詩
之言蕩佚不法所謂變也聖人教人亦多述也純
以法度教人是以縞緣素人何緣知其美雜之以
可監可戒可恥可惧則以緇緣素也自非瞽瞍自
黑之理一見決矣

詩所以宣民情

嘗觀於詩刑政之苛賦役之重天子諸侯朝廷之
嚴而后妃夫人祗席之秘匹夫匹婦皆得以肆言
之聖人為詩而肆天下之匹夫匹婦皆得以言其
上宜若積天下輕君之心及至於幽厉之小雅邶
鄘衛陳鄭之風亟諫而不訐顯譏而不戾相與奪

持去之而卒不忍然後知聖人使之言而至於民之不敢盡言而況於敢叛是故湯武之興其民急而不敢先周之衰其民哀而不敢离蓋其堙鬱不平之氣舒焉而亡聊之氣不蓄也嗚呼詩不作天下之怨極矣卒不能勝共起而亡秦秦亡而後快於是始有匹夫匹婦存亡天子之權嗚呼春秋之亡以礼廢秦之亡以詩廢吾固知公卿大夫士之禍速而小民之禍遲而大而詩之所以維君臣之道之功深也

召南有召公之詩周南無周公之詩

蘇詩曰召南有召公之詩而周南無周公之詩周公在內近於文王雖有德而不見則其詩不作召公在外遠於文王功業明著則詩作於下此理之

著明者也

觀詩見先王之風澤深原

觀詩至綠衣然後知先王之風澤深厚士之出於其時者為可頌夫以婦人女子而所知如此蓋其器宏深其声春容其藏充實其施溥博鳴和鑾委玉珮執綏正立辞色坦夷固與追奔車比服馬追前人惟恐不及氣息弗然者不可同年語矣此婦傷已之詩也由後世觀之必且仰天而号曰何為使我至於此極也殆有甚者今其若此亦可觀矣蓋無意而援其蘊不得已而後言仁厚積中而言者其行之指也

古人李詩知其大意

古人之李與後世異古人李詩知其大意而已矣

章句詁訓有所未暇也巧笑倩兮美目盼兮夫子
直以告人曰繪事後素而已周餘黎民靡有子遺
孟子直以告人曰以意逆志而已其他皆未及也
後世學者不由章句詁訓則入於傳注之李相繼
而作

詩中和之理

中之理其至矣乎人皆有之而不自知也嬰兒之
生蒙然而已飢則呱呱然戲則啞啞然故人皆有
之而不自知者和之失也中不自中以一故中和
不自和以中故和中與和相習而莫之能名謂之
道者喜而忘喜怒哀而忘哀樂而忘樂不以喜怒
哀樂而傷其真是中之至和之極也中則
誠和則明昔者中山王聞樂而悲子琴張臨尸而

歌樂悲所以為悲尸非所以為歌也然則感之者
真在內也故感人心者莫深於詩而蕩人心者亦
莫甚於詩蕩之者過於已矣喜之過流怒之過暴
哀之過傷樂之過淫聖人惡其過也是故通之以
情而正之以性性通於情不情其性情止於性能
性其情使天下之人雖和而不失中者性之正也
凡人之情喜均則無喜怒均則無怒性其不均故
喜怒生焉然天下之至異者胡越也至其歌則聞
於樂其哭則同於悲聞之者非天歟故雅之二頌
之三風之正變十有五皆出乎天下之自然者也
大者曲而歸諸直小者怨而歸乎正深者宕淺者
夸雅頌之別然尔三南王化之基也邶鄘衛商民
之相變者也俗變於近而王不能正則王不王也

鄭首叛也齊者霸也晉并魏則又伯而秦其甚也
是皆王之不正而諸侯肆行莫之禁也陳淫也撓
亂也曹奢也紛紛乎益甚而益不可正苟有后稷
先公之化如邇者庶乎其可也此名之先後也雖
孔子之聖亦安能尚衛降王進鄭退齊分晉與秦
以一己之私定天下之誠然哉

二南作於周初

二南譜正義曰鄭荅張逸云文王以諸侯而有王
者之化卒以受命是受命之前以行王德當以之
時詩已作矣何則化被於下則民述其志何須待
布王号然後作歌武王采詩之時二公已有爵土
命其行化遂分繫之非由二公有土此詩始作也
周召二十五篇惟甘棠與何彼穠矣二篇乃是武

王時作武王伐紂乃封太公為齊僖令周召為二伯而何彼穠矣經云齊侯之子太公已封於齊甘棠經云召公召伯為伯之後故之二篇皆武王時作非徒作在武王之時其所美之事亦武王之時也辨文王之詩屬周召

陳曰文王之詩所以屬之風召者何也愚知之矣太師係之也文王受命以六州之地命周召治之二公所施則文王之教也太師采詩之時得於周南之地屬之周公得於召南之地者屬之召公已為不可屬之文王也文王既受命其詩不入於雅則入於頌二南諸侯之風也周召又其地之諸侯也閔臚之下安得不屬之周召哉

辨二南詩或後世附益

林曰或謂二南為周衰之詩理固似矣然孔子刪詩上始文武不應燕樂鄉樂射樂房中之樂周室盛時初無一篇足取而其所記反盡取周雖之文也以二南皆為文王之詩其說正既然甘棠之作在召公既歿之後召公既沒在康王時何彼穠矣之詩乃復平生時事又安得後人不疑也大抵詩之所載上起文王下訖陳靈則陳靈之世詩之篇目皆未定也二南雖為文王之詩然而文王之後以至陳靈凡詩之主乎夫婦而言乎人倫則後世取而附諸二南之末亦勢之所不免也

二南王者之風

張逸問王者之風王者當在雅在風何荅曰文王以諸侯而有王者之化逮其本宜為風

辨文王化行自二南

孔子曰逸以文王稱則詩當在雅故問之鄭以此詩所述述文王為諸侯時事以有王者之化故稱王者之風於時寔是諸侯詩人不為作雅文王三分有二之化故稱王者之風是其風者王業基本此述服事殷時王業基本之事故不述其本宜為風也化震一國謂之為風道被四方乃名為雅文王纔得六州未能天下統一雖則大於諸侯止是諸侯之大者耳此二南之人猶以諸侯待之為作風詩不作雅体体寔是風不得謂之為雅文王末年身寔稱王又不可以國封之詩繫之王身名無所繫詩不可弃因二公為王行化是故繫之二公

二南樂章之名

陳曰二南樂章之名也周世未有樂名南者惟左氏載舜象箛南箛則南蓋文王樂名也商紂之末天下潰亂文王之化自此而南及於江漢惟東北之區尚染於紂故作樂者采自北以南上風而名之曰南用之為燕樂用之為鄉樂用之為射樂用之為房中樂所以彰文王之德美也

二南何以先國風

李曰孔子告伯魚曰人而不為周南召南其猶正牆面而立也歟是告之李詩必自周南召南始蓋詩之序先之以風次之以雅次之以頌風者詩之最而周南召南又為風之先焉蓋道無始則不行而周南則為正始之道化無基則不立召南則為王化之基此皆文王之正心誠意有在於此故其

肅肅雍雍在於閨門之內而其化行於二南之國
蓋以其能正家而治國故詩必首於二南詩之首
於二南如易之首於乾坤孔子曰乾坤其易之門
孝易者必自乾坤而入也是以三百篇之中必首
於二南六十四卦首於乾坤其體一也

二南篇次之叙

二風大意皆自近及遠周南關雎至蟋蟀皆后妃
身事桃夭免置芣苢后妃化之所及漢廣汝墳變
言文王之化見其化之又遠也召南鵲巢采芣夫
人身事草虫采蘋朝廷之事甘棠行露朝廷之臣
大夫之妻與夫人同為陰類故先於召伯皆是夫
人化之所及也羔羊以下言召南之國江沱之間
亦言文王之政是又化之差遠也篇之大率自以

遠近為差

南國何以無變風

二南譜問者曰周南召南之詩為風之正經則然矣自此之後南國諸侯政之興衰何以無變風荅曰陳諸侯之詩者將以知其缺失省方設教為黜陟時齊及吳楚僭号称王不成天子之風今棄其詩夷狄之也

辨吳楚以僭号黜其詩

孔曰列國政衰變風皆作南國諸侯其數多矣不得全不作詩今無其事故問而釋之巡狩陳詩者觀其國之風俗故采取詩以為黜陟之漸亦既僭号称王不承天子威令則不可黜陟故不錄其詩矣楚僭号称王春秋多有其事知亦僭者檀弓云

邾婁考公之喪徐君使客居來弔其辭云昔我先君駒王是其僭稱王也

卷耳后妃求賢

李曰古者天子立后六宮三夫人九嬪二十七世婦八十一御妻以聽天下之內治以明章天下之婦順故內順而家理天子立六宮三公九卿二十七大夫八十一元士以聽天下之外治以明彰天下之男教故外和而國治蓋闔內之事后妃主之闔外之事天子主之故后妃之職惟在於求賢妾以助內治闔雎之詩是也至於求賢審官之臣下之勤勞此乃天子之職后妃特輔佐之而已此言后妃之志則是求賢審官知臣下之勤勞但有其志耳

卷耳經叙之文

詩卷耳求賢審官知臣下之勤勞朝夕思念至於憂勤耳孔曰至於憂勤即首章采采卷耳不盈傾筐是也求賢審官即嗟我懷人實彼周行是也經序倒者叙見后妃求賢而憂勤故先言求賢經王美后妃之志能為此憂勤故先言其憂也

螽斯何以喻后

螽斯后妃子孫衆多也言若螽斯不妬忌則子孫衆多也李曰螽斯蝗虫之類耳以蝗虫之微物而乃取喻於后妃疑若不論然詩人之意但取其意不必以蝗虫而嫌之耳如狼跋之詩曰狼跋其胡載躄其尾公孫碩膚赤舄几几以周公多才多藝

而詩人取喻以為狼無乃比周公於鳥獸乎是不
然詩人亦取其合於德如何耳如閔雉鷩鳥而比
於后妃亦取於德之合也草虫之詩曰嘒嘒草虫
趯趯阜螽草虫蝗虫之類比於婦人詩人取喻類
多如此孔子曰小言害道小卜害理閔雉鷩於鳥
君子取其鳴雄之有別鹿鳴具於獸君子取其得
食之相呼若以鳥獸之名而嫌之則不可行也觀
此則可知詩之也已

漢廣何獨稱南國

漢廣德廣所及也文王之道被於南國孔曰羔羊
序云召南之國也彼言召南此不言周南者以天
子事廣故直言南彼論諸侯故止言召南之詩
麟趾處周南之末

麟之趾闕雎之應也闕雎之化行則天下無犯非
禮雖衰世之公子皆信厚如麟趾之時也孔曰闕
雎之化謂姦斯以前天下無犯非礼祧天以後也
雖衰世之公子皆信厚如麟趾之時此篇三章是
也此篇處末見相終始故歷序前篇以為此相
因有麟名見若致然編之處末以法成功也此篇
本意直美公子信厚似古致麟之時不為有闕雎
而應之太師編之以象應叙者述以法耳不然此
豈一人作詩而得相顧以為終始也

甘棠何以美召伯

甘棠美召伯也正義曰武王之時召公為西伯行
政於南土決訟於甘棠之下其教著明於南國愛
結於民心故作是詩以美之經三章皆言國人愛

召伯而敬其樹是為美之也諸風雅正經皆不言
美此言美召伯者二南文王之風唯不得言美文
王耳召伯臣子故可言美也桀嘗言后妃之美謂
說后妃之美行非美后妃也皇矣言美周不斥文
王也至於變美各於其時豳亦變風故有美
周公

甘棠稱召公為伯

行露雖述召伯事與甘棠異時趙商謂其同時疑
而發問故志趙商問甘棠行露之詩美召伯之功
箋以為當文王與紂之時召伯自明誰云文王與
紂之時乎至行露篇箋義云衰亂之俗微真信之
教興若當武王時被召南之化久矣衰亂之俗已
銷安得云微云此文王時也序義云召伯聽訟者

從後錄其意是以云然而鄭此荅明甘棠箋之所云美其為伯之功謂武王時也

何彼穠矣為刺詩

林曰二南之詩雖大槩美詩亦有刺詩不徒西周之時而東周亦與焉十二國風無以異也何以卜之據何彼穠矣之詩可知矣其曰平王之孫齊侯之子攷春秋莊公元年書曰王姬歸于齊此乃威王女平王孫下嫁於齊襄公非平王孫齊侯子而何說者必欲以為西周之詩於時未有平王齊侯乃以平為平正之王齊如齊人之侯與書言寧王罔義此妄也矣據詩人欲言其人之子孫則必直言之如稱衛姜云東宮之妹邢侯之甥頌魯僖公周公之孫莊公之子又何疑乎且其詩刺詩也以

王姬徒然有容色之盛而無肅雍之德何以使人
化之故曰何彼穠矣唐棣之華曷不肅雍王姬之
車詩人若曰言其容色固如唐棣矣然汝王姬之
車何不肅雍乎是譏之也今其序曰猶執婦道以
成肅雍之德變白為黑於理安乎

詩邶鄘衛

邶鄘衛商畿內地武王伐紂以其京師封紂子武
庚分其地置三監自紂城北為邶南為鄘東為衛
成王滅三監封康叔於衛後世并二國而有之七
世至頃侯當周夷王時衛變風始作各從其國本
而異之為邶鄘衛之詩自頃公至襄公凡十二君
有詩者六成以下無詩

變詩以事為次

諸變詩一君有數篇者大率以事之先後為次故
衛宣公先承於夷姜後納伋妻卽詩先歎有苦葉
後次新臺是以事先後為次也率此而言則其餘
皆以事次也墻有茨鶉之奔奔皆刺宣姜其篇不
次而使桑中間之列編篇之意或以事義相類或
以先後相序

邶鄘為變風首

孔曰邶鄘衛者商紂畿內千里之地栢舟之作夷
王之時有康叔之餘烈武公之盛德資母弟之戚
成入相之勲文公則滅而復興徒而能富土地既
庸詩義早作故以為變風之首既以衛國為首邶
鄘則衛之所滅風俗既異美刺則同依其作之先
後故以邶鄘先為之也

辨衛詩為變風首

所謂衛首變風者衛居紂都迫近王畿蕞邠而
有之滅人之國罪莫大焉矧同姓者乎柰何天子
之不能討方伯之不能伐是矣末強而本弱也迹
衛詩之始卒君臣之乱未有甚於此時也民俗之
敝未有愈於此國也聖人必其罪以行萬世首之
變風次之二南著善以明惡也

三國何以同風

正義曰以康叔不得二國故知後世子孫也頃公
之惡邠人刺之則頃公以前已蕞邠與邠或亦然
矣周自昭王以後政教陵遲諸侯或強弱相陵故
得蕞彼二國混一其境同名曰衛也此殷畿千里
不必邠邠之地止建二國也或多建國教漸并於

衛不必一時滅之地理志云武王崩三監叛周公誅之盡以其地封弟康叔号曰孟侯迁邶鄘之民於洛邑邶鄘三國之詩相與同風如志之言則康叔初即兼彼二國非子孫矣

邶曷在三國之前

三國如此次者以君世之首立前者為先故世家頃侯卒子釐侯立四十二年卒子共伯餘立為君共伯弟和襲攻共伯於墓上共伯自殺衛人立和為衛侯是為武公以頃公三國詩之最先故邶在前也邶栢舟與淇奧雖同是武公之詩共姜守義事在武公政美入相之前故鄘次之衛為後也

詩王國

王國者王城也武王作邑於鎬京謂之宗周為西

都成王宅洛邑謂之王城為東都即今之河南周公住營城周即今洛陽成王還西都十一世至幽王為犬戎所殺平王徙居東都王城於是王實下同諸侯詩不復雅故貶之謂之王國變風王詩何以居變風

孔曰言王國變風者謂以王當國故服虔云尊之猶春秋之王人稱王而列於諸侯之上在風則卑矣已比列國當言周王則尊之故顯王以當國而叙以此應故每言閔周也王詩次在鄭上譜退幽下者欲近雅頌與王世相次故也又曰王下列諸侯謂化之所及總行境內政教不加於諸侯與諸侯齊其列位故其詩不能復更作大雅小雅而與諸侯同為國風焉

辨平莊詩分為王風

文王之時所謂風二南是也成王之世所謂風者
邠詩是也何以平莊之世獨無土風之作乎平莊
之去成王也四百餘年王城之去岐邠也八百餘
里土風既殊不可係於二南之末不可作於邠詩
之末則分為王風而別係之亦勢之當然非夫子
之作意也

辨平王列於國風

李曰孟子曰詩亡然後春秋作春秋之作蓋在平
王之時黍離以下之詩皆是平王之詩也安得謂
詩亡然後春秋作乎孟子所謂詩亡者雅頌之詩
亡今也平王之時既下列於國則是諸之亡矣
既以平王之詩為國風則是天王下列於諸侯矣

然春秋又或書天王或書天王者蓋春秋所以存於王道也以是知春秋與詩相為表裏

王風何以次衛

周平王東遷政遂微弱化之所被綽及郊畿詩作後於衛頃圉地狹於千里徒以天命徒以天命末改王爵仍存不可過于諸侯故使次之於衛也

鄭風何以次王

孔曰鄭以史伯之謀列於大國桓於司徒甚得周衆武公夾輔平王克成大業有房宣之親有緇衣之美天地狹既親且勲故使之次王也

詩齊國

周武王封太公望於營丘是為齊凡五世至哀公政衰紀侯譖之於周懿王而烹之當懿王時齊以

變風始作又九世至襄公有詩者二桓公已下無詩

詩魏國

魏無世家其詩當在平桓間

魏風何以次齊

魏國雖小儉而能勤踵虞舜之舊風有夏禹之遺化故季札觀樂美其詩音云大而婉儉而易行以德輔此則明主也故次於齊

詩唐國

周武王封弟叔虞於唐至六世孫僖侯唐之變風始作唐之地堯都詩人本其風俗故云唐自僖至獻公有詩者四惠公已下無詩

唐風何以次魏

唐者叔虞之後雖為大國昭公則五世交爭獻後則喪亂弘多故次於魏下

詩秦國

周赧王封非子於秦邑為附庸當宣王時命為大夫而變風始作自非子至康公凡十五世有詩者十共已下無詩

秦風何以次唐

秦以仲始大襄公始命穆公遂霸西戎卒為強國故使之次唐也

詩陳國

周武王封媯滿於陳是為胡公當周厲王時陳之變風始作凡十八君至平靈公有詩者五成公已下無詩

詩曹國

周武王封叔振鐸于曹凡十五君至于昭公卒共公立有詩者四自文公已下無詩

詩檜國

檜姁姓之國無世次其詩當在周夷王厲王之間檜風肩次於末

檜則其君淫慾曹則小人多寵國小而君奢民勞而政僻季札之所不識國風次之於末宜哉

詩豳風

豳戎狹之地名也后稷孫公刘自邠而世居焉及成王時周公遭四國流言之變居於東都乃思先祖公刘大王為豳宮憂勞民事致王業之艱難以此叙已志而作七月鵲鷦之詩成王悟而迎之

故太師述其詩為邠國之風

邠詩居變風末

孔曰邠者周公之事欲尊周公使專一國故次於衆之後小雅之前欲薰其上下之美非諸國之例也

廣志卷之六百六十二

藝文

春秋考

要語

漢二十三家春秋

四家

公羊穀梁外傳

藝文

志春秋二十三家九百四十八篇古經十二篇經

十一卷左氏傳三十卷而左氏微二篇國語二十

一篇新國語五十四篇皆左氏之學也公羊傳十

一卷外傳五十篇章句三十八篇雜記八十三篇

顏氏記十一篇董仲舒治獄十六篇皆公羊之季

也穀梁傳十一卷外傳二十篇章句三十二篇皆

季也鄧氏夾氏傳皆十一卷有錄

三篇史記諸侯表云楚桓王大傳驛椒

不能

觀春秋採取成敗爲四十章者 虞氏微傳二篇
向別錄云左丘明授曾申曾申授吳起吳起授
其子期期授楚人鐸椒鐸椒作抄撮八卷授虞
卿虞卿作抄撮九卷授荀卿荀卿授張蒼者也又
有張氏微十篇議秦三十九篇若世本十五篇戰
國策三十三篇秦奏事二十篇楚漢春秋九篇大
史公百三十篇馮商續六篇太右以來年紀二篇
漢著紀百九十篇終於漢太年紀五篇皆史官所
記春秋之流也王者世有史官左史記言右史記
事事爲春秋言爲尚書仲尼以魯周公之圖史官
有法與左丘明觀史記據行事有褒貶不可書見
口授子弟退而異言丘明論本事作傳明夫子不
以空言說經也未世口說流行故有公羊穀梁鄧

夾之傳四家之中公羊穀梁立於季官

漢春秋古經 古文春秋

志 周礼注古文春秋經公即位為公即立正義
古文春秋者漢藝文志云春秋古經十二卷是此
古文經所藏之書文帝除挾書律此本然後行於
世 史記吳太伯世家余讀春秋古文 自序余
聞之董生春秋文成數萬其指數千注張顯曰春
秋萬八十字 正義左氏丘明所修皆古文舊書
多者二十餘通藏於秘府伏而夫發漢武帝
間獻左氏及古文周官成帝時劉歆 秘書見府
中古文春秋左氏傳大奸之傳多 言季者
傳訓詁而已及歆傳文釋經轉諸 文孔
子書六經左丘明述春秋傳皆以古文 紀正

義按古春秋左氏說周家封書殷之 以為文公

公羊傳莊七年四月不脩春秋曰雨 不及

而空君子修之曰是 如雨注不脩春秋謂史

記也古者謂史記為春秋疏據此傳則孔子未修

之時已謂之春秋仲尼脩經皆約策書成文丘明

作傳博采簡牘衆記 穀梁疏鄭衆賈逵之徒以

為仲尼脩春秋約之以周禮聘禮疏服虔注左氏

云古文篆書一簡八字 左傳正義鄭玄注論語

序以鈎命決云春秋二尺四寸書之

五傳

漢藝文志春秋分為五注帝昭曰謂左氏公羊穀

梁邱氏夾氏

左氏

正義太史曰十二諸侯年表序云自孔子論史記
次春秋七十子曰受其傳魯君子左丘明懼妄意
失其真故具論其語成左氏春秋沈氏云嚴氏春
秋引觀周篇云孔子將脩春秋與左丘明秉如周
觀書於周史歸而修春秋之經丘明爲傳藝文志
云左丘明魯史也是言丘明爲傳以其姓左故号
爲左氏傳也或先經以始後經之事或後經以終
前經之義或依經以辦理或錯經以合異 漢儒
林傳漢吳張蒼賈誼張敞皆脩春秋左氏傳誼爲
訓故授趙人貫公子長卿授張禹禹爲蕭望之言
左氏望之薦禹徵待詔授禹更始更始傳子咸及
翟方進胡常常授賈護護授陳欽而劉歆從尹咸
及方進言左氏者言左氏者本之賈護劉歆 後

傳建武中鄭興陳元傳左氏季 史通丘明授經
立傳廣苞諸國蓋當時有周志晉采鄭書楚執等
篇聚而編之混成一錄向使專憑魯策獨詢孔氏
何以能殫見洽聞若斯之博 公羊疏左氏先著
竹帛漢特謂之古季平帝時立季官 啖氏曰左
氏比二傳其功最高博采諸家叙事尤備 呂氏
曰左氏於史策之間載孔子之事皆傳聞失實本
不曾登聖門 王安石疑左氏六國時人者十一
事

公羊

戴宏序子夏傳與公羊高：傳子平平傳之子地
地傳子敢敢傳子壽至漢景帝時壽乃共弟子齊
人胡毋子都注於竹帛與董仲舒皆見於國讖

孺林傳漢吳言春秋於齊則胡毋生於趙則董仲舒胡毋生與仲舒同業齊之言春秋者宗事之公孫弘亦頗受焉武帝遵公羊家由事大吳胡毋生弟子臯公授孟卿眭孟眭孟授嚴彭祖顏安樂由是有嚴顏之季彭祖授王中中授公孫文東門雲安樂授陰豐任公有陰任之季踵廣事孟卿授莞路貢禹事臯公授堂溪惠惠授宜都有莞宴之季後傳又唐檀習顏氏馬宮治嚴氏射策申科鄧暉治嚴氏季育習嚴氏陳重季顏氏隋志公羊傳十二卷嚴彭祖謨公羊解詁十一卷漢諫議大夫何休注疏左氏漢時謂之古季公羊漢世乃吳故謂之今季許慎五經異義古文左氏說今者公羊說是也

穀梁

吳兢書目秦孝公時人 楊士勛疏穀梁子名傲
字元始魯人一名亦 風俗通穀梁名赤子夏弟
子 顏師古曰名書受經于子夏為經作傳傳孫
孫卿卿傳申公申公傳江翁 儒林傳瑕丘江公
受穀梁於魯申公傳魯榮廣皓星公受為秦千秋
周慶丁姓皆從廣受帝宣其穀梁擢千秋為諫大
夫尹更始事千秋又受左氏傳為章句傳子咸及
翟方進房鳳江博士授胡常 授蕭秉君有尹胡
申章房氏季 隋志梁有穀梁傳十五卷漢諫大
夫尹更始撰 疏景帝好公羊胡毋之季吳仲舒
之義立宣帝善穀梁千秋之季起劉向之意存
按漢人以公穀為末世口說流行之季見於其書

者又有尸子魯子高子子司馬子子沈子子女子
北宮子之流 葉氏曰公羊穀梁授李於子夏出
於讖緯之書所說題辭者其言不經見

鄒氏

王吉傳吉通五經能為騶氏春秋 范升傳奏曰
春秋之家又有騶夾

夾氏

漢志鄒氏無師夾氏未有書 史記正義七錄云
建武中鄒夾氏皆絕 隋志王莽之亂鄒氏無師
夾氏亡 孝經序李問五傳注鄒氏傳十二卷夾
氏傳十一卷 穀梁疏五家之傳鄒氏夾氏口說
無文師既不傳道亦尋廢

漢春秋博士 講郎

儒林傳贊武帝立五經博士春秋唯有公羊孝宣
立穀梁後儒林傳公羊顏嚴穀梁三家皆立博
士光武立四十博士春秋嚴顏

左氏

漢傳何問欽王立春秋左氏博士劉歆欲列李官
哀帝令歆與博士講論其義博士不肯置對歆移
書責之平帝時立左氏後傳陳元傳左氏為訓
詁建武初議欲立左氏傳博士范升奏左氏淺末
不宜立元上疏曰武帝好公羊衛太子好穀梁有
詔太子受公羊不得受穀梁孝宣為石渠論而穀
梁氏興至今與公羊並存先後所立不必相因升
辨難凡十餘上皇帝卒立左氏李太常選博士四人
元為第一帝用其次李封封卒左氏復廢賈逵

建初元年奏曰充武奮獨見之明具左氏穀梁二
家先師不收圖讖故令中道而廢帝令建自選嚴
顏諸生高才者二十人教以左氏章紀八年十
二月戊申選高才生受左氏穀梁以扶微孝廣吳
義

公羊

儒林傳齊胡毋生為景帝博士與董仲舒同業仲
舒景時為博士公孫弘亦頗受焉為博士莊孟授
嚴彭祖顏安樂彭祖為宣帝博士疏廣事孟卿為
博士後傳丁恭周澤甄字習家氏建武間為博
士張去少習顏氏兼通數嚴法會顏氏博士闕玄
試策第一拜博士諸生言玄兼說嚴氏冥氏不冥
專為顏氏博士李育習公羊春秋拜博士建初四

羊論白虎以為公羊義難賈逵

穀梁

傳瑕丘江公受穀梁於魯申公傳子至孫為博士
宣帝善穀梁說以江公孫為博士周慶丁姓皆為
博士 魏士黃初五年四月置穀梁博士

隋志晉時穀梁范甯注公羊何休注左氏服虔杜
預注俱立國李至隋杜氏盛行服義及公羊穀梁
浸微今殆無師說

晉王接傳謂左氏辭義賾富自是一家書不主為
經發公羊附經立傳經所不書傳不妄起 荀崧
傳丘左明張本維末發明經意經奇偉公羊高親
受子夏辭義清雋斷決明審穀梁亦師徒相傳文
清義約是以三傳並行莫能孤廢 左氏書賈逵

上春秋大義四十條以抵公經又與左氏作長義
至鄭康成歲膏育發墨守起廢疾自此以後二傳
遂微左氏季顯公羊疏賈逵作長義四十條云
公羊理短左氏理長鄭衆亦作長義十九條十七
事專論公羊之短左氏之長在逵之前何氏作墨
守以距長義以強義為廢疾以難穀梁造膏育以
短左氏蓋在汪傳之前穀梁疏鄭玄六藝論云
左氏善於礼公羊善於識穀梁善於經

漢春秋蕃露

董仲舒傳所著皆明經術之意及上疏條穀凡百
二十三篇而說春秋事得失間季玉杯蕃露清明
竹林之屬復數十篇十餘萬言皆傳於後世仲
舒下帷發憤潛心大業令後學者有所統一焉群

儒首 唐志仲舒春秋繁露十七卷 崇文目十

七卷其書八十二篇義引宏博然篇第亡外無以是正又即用王杯竹林題篇疑後取而附著云

晁氏志史稱仲舒說春秋數千篇今益而為八十

二篇又通名繁露末詳 中興書自十卷繁露之

名先儒未有十者案逸周書王 南面立統

露注云晁之所出也 之象春秋屬辭

皆事仲舒立名或取諸此 西京雜記仲舒夢

蛟龍入懷乃春秋繁露 古今注牛亨問崔豹繁

露者向曰綴玉而下垂如繁露也則繁露古晁之

旒似露而垂 史記上大夫董仲舒推春秋頗著

文為索隱曰繁露 禮大司樂注董仲舒云成均

五帝之季疏出繁露以為繁多露潤 後漢書明

德馬右紀元善周官董仲舒書注玉杯善露清明

竹林之屬 禮儀志注繁露曰大旱雩祭而諸雨

與服志注繁露曰 之在左蒼龍之象 通鑑

外記繁露曰推神農以爲九皇 太平御覽襄宇

記皆引繁露春秋會解所引十三條 景祐四年

四月歐陽修書其後云今其書終四十篇又總名

繁露失其真也館中見有八十余篇多錯亂重視

民間獻三十余篇其間數篇在八十篇外董生儒

者其論深極春秋之旨然惑於改正朔而云王者

大一元者牽於其師之說不能高其論以明經人

之道 慶曆六年二月樓郁序曰公羊之季後者

胡毋子都仲舒治其說 程大昌曰館本十七卷

紹興間董所進通以繁露冠書而玉林清明竹林

特各卷篇卷之一有垂旒凝露之象五杯竹林同
為託物漢魏人為文名連珠其殆繁露之自出歟

樓鑰曰潘景憲本有八十二篇說文引仲舒在
王道通三第四十四篇傳中對越三任之間朝廷
有大議使使者及廷尉張湯就其家問之求雨止
雨三策仁愛陰陽德刑之類皆在書中又有言曰
不由其道而勝不由其道而敗冥符夫子心法

八十二篇始楚莊王終天道施三篇闕玉杯第二
竹林第三玉英第四一卷楚莊王玉杯二竹林三
玉英精華四王道五滅國上下隨本消息盟會要
正貫十指重政六服制象三端符傳余序離合根
立元神保位權七考功名通國身三代改制一作
文質官制象天堯舜湯武服制八度制爵國仁義

法必仁且知九身之養對膠西合作江都觀德奉
本十深察名號實性諸侯五行闕文二篇十一烏
人者天五行之義陽尊陰卑王道通三天容天辨
在人陰陽位十二陰陽終始陰陽義陰陽出入天
道無二暖燠孰多其義闕文一篇十三四特之副
人副天數同類相動五五行相勝相生五行逆順
治水五行十四治乱五行五行變救五行五事郊
語十五郊義郊祭四祭郊祀順命郊祀對十六執
贄山川頌求雨止雨祭義循天道之十七卷天地
之行威德所生如天之為天地陰陽天道拖第八
十二玉杯竹林二篇之名未有以虧

漢春秋決獄

志儒家董仲舒一日二十三篇春秋有公羊董仲

舒治獄十六篇 隋志仲舒春秋決事十卷 唐
志法家仲舒春秋決獄十卷 前傳淮南衡山及
史仲舒弟子呂步舒治淮南獄以春秋議額斷
外不諸注應劭曰仲舒居家朝廷每有正議尉張
湯問其得失於是作春秋決獄二百三十二事動
以經對言之詳矣 史記正義七錄曰春秋斷獄
五卷崇文目春秋決事比十卷 論衡董仲舒表
春秋之義稽合於律無乖異者 監獄論春秋之
治獄論心定罪志善而違於法者免志惡而合於
注者誅

終軍誥徐偃 傳不疑論衛太子 龔勝諫朱博
漢左氏訓故 章句 條例 左氏國語解詁經傳
義詁 長經 釋例 三家經本訓詁前儒林傳漢

與北平侯張蒼及梁太傅賈誼張敖劉公子皆脩
左氏傳誼為訓故授趙人貫公為河間獻王博士
尹更始受左氏傳取其變理合以為章句傳子咸
及翟方進房鳳鳳與劉歆共校書歆校秘書見
古文左氏傳好之時尹咸治左氏共校經傳歆略
從咸及方進賀問大義初孝若傳訓故而已及歆
引傳文解經由是章句義理備焉歆曰春秋左氏
可立哀帝納之以問諸傳皆不對唯房鳳王龔許
歆共移書責太常博士鄭興傳從歆講正大義
歆使撰條例章句傳詁言左氏者多祖於龔子衆
作春秋難記條例 隋志衆撰左氏條例九卷
唐志衆牒例章句九卷 陳元傳父欽事賈護元
傳父業為之訓詁

賈逵傳九世祖誼父微後劉歆作左氏條例二十一篇逵集通五家穀梁之說充明左氏傳國語為解詁五十一篇永平中上謁獻之是宗重其書馬藏秘館建初元年詔入講左氏傳使出左氏大義常於二傳者逵具條奏擢出三十事其餘同公羊者什七八左氏義深君父公羊多任權變且五經家無以證圖讖明劉氏為竟後者左氏獨有明文帝嘉之令選公羊嚴顏諸生二十人教以左氏與簡紙經傳各一通八年詔選高才生受左氏逵所著經傳義註及論難不餘萬言隋志春秋釋訓一卷左氏經傳朱墨列一卷逵撰春秋左氏長經二十卷漢侍中賈逵章句左氏解詁三十卷春秋三家經本訓詁十二卷注外傳國語二十卷

唐志述左氏長經章句二十卷 李育傳習公羊
作難左氏義四十一事與諸儒 論於白虎觀以
公羊義難賈逵 穎容傳善春秋左氏著條例五
萬餘言 隋志春秋釋例十卷漢公車徵士穎容
撰

漢春秋議

前儒林傳五帝時董仲舒通五經能持論江公呐
於口上使與仲舒議不如仲舒而丞相公孫弘本
為公羊季比輯其議卒用董生上因尊公羊家詔
太子受之榮廣春秋於江公與公羊大師陸孟尋
論數困之 隋志何休春秋漢議十三卷鄭玄駁
何氏漢議二卷梁有服虔漢議駁二卷之有孔融
春秋雜議難五卷麋信理何氏漢議二卷春秋議

十卷 唐志何休漢議十卷鄭玄駁虞信注 後

傳何休以春秋駁漢事六百餘條妙得公羊本意
服虔又以左傳駁何休所駁漢事六十二條

漢殿中議公穀同異

儒林傳宣帝聞為太子好穀梁問韋賢夏侯勝史
高皆魯人言穀梁本魯季公羊乃齊季也宜與穀
梁自元康中始講至甘露元年積十餘歲皆明習
召五經名儒太子傳蕭望之等大議殿中平公穀
同異時公羊嚴彭祖申軌伊推宋顯許慶穀梁尹
更始列向周慶丁姓王玄議三十餘事望之等十
一人各以經誼對多從穀梁

漢春秋左氏圖

隋志十卷漢太子太傅嚴彭祖撰之古今盟會也

荀一卷

宜氏春秋

祀冥氏志鄭師農云冥讀為冥氏春秋之冥既冥氏春秋者冥氏作春秋書名若晏子呂氏春秋之漢傳林傳堂谿惠授秦山冥都既廣授琅邪覽路故顏氏有覽冥之季

春秋五始

王康傳春秋法五始之要在審已正統胡廣曰五始一曰元二曰春三曰王四曰正五曰行即位漢定春秋章句公羊春秋外傳旨義傳中

具受嚴氏春秋光武詔今定春秋章句去其復重以授皇太子天使宗室諸侯從具受章句樊儵刪定公羊嚴氏章句号樊侯季張霸以樊儵刪

嚴氏春秋猶多繁辭減定為二十萬言更名張氏
李 楊終著春秋外傳十二篇改定章句十五萬
言 北海敬王睦顯宗時作春秋旨義終始論
隋志漢末邴萌集圖緯識雜占為五十篇謂之春
秋灾異

漢春秋刪

鄭衆傳從父吳受左氏春秋肅宗時受詔作春秋
刪十九篇 孔奮傳從劉歆受左氏春秋子奇作
左氏刪嘉作左氏說

漢五家穀梁說 章句

賈逵傳能誦左氏傳雖為古季萐通五家穀梁之
說注尹更始劉向周慶子姓王亥見前書 前傳
林傳尹更始第秦千秋之受左氏傳所集更理合

者為章句

極福傳明教梁春秋

漢公羊解詁

條例

何休傳作公羊解詁覃思不闕門十有七年又注訓孝經論語風角七分與其師博士羊弼追述李育之意以難二傳作公羊墨守左氏膏肓穀梁齊疾鄭玄傳乃發墨守鍼膏肓起齊疾休見面歎曰康成入吾室操吾予以伐我乎隋志公羊解詁十一卷漢諫議大夫何休注左氏膏肓十卷公羊墨守十四卷公羊謚例一卷梁有公羊傳修例一卷並何休撰穀梁齊疾王卷何休撰鄭玄釋張請箋左氏膏肓釋病十卷服虔撰序畧依胡毋生條例隱括就繩墨講誦師言至於百萬猶有不解䟽胡毋生本雖以公羊經傳授董氏猶自別

作條例故何氏取之 荀爽傳著春秋條例作公

羊問及辨識 刘陶傳詔次第春秋條例 蜀志

孟光好公羊而諫呵左氏 吳志唐固為公羊穀

梁傳注 晁氏志董仲舒以公羊显又 傳至何

休鄭玄曰公羊善於識休注引識宋多公羊疏三

十卷徐者撰以何氏三科九旨為宗本其說日向

氏之意三科九旨正是一事尔然而言之謂之三

科折而言之謂之九旨新周故宋以春秋當新王

此一科三旨七所見異辭所聞異辭所傳聞異辭

此二科六旨也內其國而外諸夏內而外夷狄此

三科九旨也

漢三傳異同說

馬融傳融欲訓左氏春秋及現賈逵鄭衆注乃曰

賈君情而不博鄭君博而不精既精且博吾何加焉但著三傳異同說

漢左氏解詁達義

隋志左氏傳解詁三十一卷九江太守服虔注左氏胥育釋病十卷春秋成長說九卷塞難三卷服虔撰梁有左氏達義一卷漢司徒掾王玠撰左氏傳三十卷王肅注 過章句三十卷孫毓義注十八卷又賈服異同畧五卷王朗注十二卷漢諸儒傳左氏者甚衆賈達服虔並無訓解至魏遂行於世晉時服虔注俱奪而立國唯傳服義至隋杜氏盛行服義浸微 正義中興以後陳元鄭衆賈達馬融延篤彭仲博許惠卿服虔穎容之徒皆傳左氏魏世則王肅董遇為之注 後漢傳服虔作春

秋左氏傳解行之至今又以左傳駁何休之所駁
漢事六十條儒林 謝該明春秋左氏建安初樂
詳條左氏疑滯數十事問謝該皆為通解之名謝
氏釋 廷篤從唐溪與受左氏論解經傳多駁正
後儒服虔等以為折中 鄭玄通公羊又從張恭
祖受左氏 馬嚴通左氏 孔喬李左氏 蜀志
尹默傳益却多賈令文不崇章句默從司馬德操
宋仲子等受古季皆通諸經史又專精於左氏春
秋自劉歆條例鄭衆賈逵父子陳元服虔注疏咸
畧誦述 此齊書姚文安難服虔解七十七條石
曰駁妄季崇祖申明服氏名曰釋謬

漢國語解詁

賈逵傳為國語解詁二十一篇

隋志春秋外傳

國語二十卷賈逵注 唐志王肅國語章句二十
二卷唐固虞翻常照注孔弼解各二十一卷 史
通左丘明既為春秋內傳又稽逸文纂別說分周
魯齊晉鄭楚吳越八國事起周穆王終魯悼公為
外傳國語二十一篇 左傳五義傳玄云國語非
丘明所作有共說一事而二文不周 吳志注沈
珩尤善春秋內外傳 唐志雜家類晉孔衍春秋
時國語十卷春秋後國語十卷唐盧藏用春秋後
語十卷 唐柳宗元非國語二卷 劉瓛外傳
宋庠補音三卷 劉攽解駁左氏為內傳國語十
卷

漢書田左丘明為傳又養異同為國語司馬遷據
左氏國語 孔晁云左丘明集其典雅令辭與語

相發明者為春秋傳其高論善言別為國語

漢春秋國緯

列傳魏明字少英從博士卻仲信李春秋國緯性
孔子作春秋國緯十二篇 賈逵永平中上言左
氏與圖識合者為傳詁義之秘書 荀爽作公羊
問及辨識 明紀永平八年十月壬寅詔日食之
變其灾尤大春秋圖識所為至謹 隋志無有春
秋緯三十卷宋均注 史記孔子曰我欲載之空
言正義此春秋緯文

春秋命歷序

詩生氏疏緯候之書及春秋命歷序立五帝傳世
之事為毛說者皆所不言鄭信識緯以命歷序云
少昊傳八世顓頊傳九世帝嚳傳十世

春秋少陽篇

論語正義案春秋少陽篇伯夷叔齊姓名字謚
白虎通春秋文義曰天子之社稷廣五文諸侯半
之

魏春秋說要 二傳論

隋志春秋說要十卷魏樂平太守康信撰春秋三
傳論十卷魏大長秋韓益撰 魏志孫叔然作周
易春秋例毛書禮記春秋三傳國語爾雅諸注
蜀志李謨著古文易尚書毛詩三禮左氏傳太玄
指歸皆依準賈馬異於鄭玄 吳志士爽耽玩春
秋為之注解索微與荀或書曰合款條左氏尚書
長義上之 魏畧鍾 不好公羊而好左氏謂左
氏為太官而謂公羊為賣餅家數與嚴幹共辨折

長短

晉經傳集解

釋例

長曆

盟會國

隋志春秋左氏經傳集解三十卷杜預撰釋例一
五卷左氏傳評二卷杜預序集解一卷劉玄注
杜預傳進爵當陽侯立功之後耽思經籍為春秋
左氏經傳集解又參考衆家譜第為之釋例又作
盟會國春秋長曆傳成一家之孝比老乃成又撰
女記贊秘書監摯虞曰左丘明本為春秋作傳而
左傳遂自孤行釋例本為傳設而所發明何但左
傳故亦孤行武帝謂預曰卿有何辭對曰臣有左
傳辭序傳或先經以始事或經移少終義或依
經以辯理或錯經以合異隨義而發其例之所重
其發凡以言例皆經國之常制周公之垂法史書

之旧章仲尼修之以成一經之通體其微顯闡幽
載成義類者皆據旧例而發義指行事以正褒貶
諸稱書不書先書故書不言不稱書曰之類皆所
以起新發大義謂之變例然亦有史所不書即以
為義者此蓋春秋新意故傳不言凡曲而暢之其
經無義例因行事而言則傳直言其畝趣而已非
例也預專修立明之傳以釋經之條貫必出於
傳傳之義例總既諸凡推變例以正褒貶簡二傳
而去異端蓋立明之志也刘子駿創通大義賈景
伯達父子許惠卿淑皆先儒之美者穎子嚴容洩
述亦名家故奉刘賈許穎之達以見其異分經之
年與傳之年相附比其義例各隨而解之名曰經
傳集解別集諸例及地名譜第歷數相與為部凡

四十部十五卷皆顯其異同從而釋之名曰釋例
發傳之體有三為例之情有五微而顯志而晦婉
而成章尽而不汙懲惡而勸善 左傳正義杜別
集諸列從而釋之事同則為部小異則附出孤經
不及例者聚於中篇其四十部次第從隱即位為
言先有其事則先次之唯世族土地事既非例故
退之於後終篇宜最處末故次終篇之前終篇處
其終土地之名起於宋衛遇于垂世族譜起於無
駭地名在世族之前天子之見於經者三十有二
稱天王者二十五稱王者六稱天子者一 梁諸
儒為左氏學者皆以賈服義難駁杜預凡一百八
十條王元規引證通折無滯著春秋發題辭及義
記十一卷左傳音三卷崔靈思左氏經傳義二十

三卷左氏條例十卷後魏衛萇隆稽服氏李難杜氏六十三事賈思同駁萇隆十餘條互相是非積成十卷詔下國李集諸儒考之

晉春秋條例 條例

劉寔傳尤精三傳辨正公羊以為衛輅不應辭以王父命祭仲失為臣之節又撰春秋例二十卷隋志春秋例十一卷晉劉寔撰經例十二卷方範撰左傳例苑十九卷劉寔等集解春秋序一卷春秋序論二卷于宝撰唐志劉寔左氏條例二十卷

晉春秋釋疑 春秋調人 左氏今經

儒林傳記疏合三傳為解注撰春秋釋疑凡所述七萬餘言 劉兆以春秋一經三家殊塗諸儒是

非紛然互為讐敵乃思三家之異合而通之取周
調人之義作春秋調大七萬言論 百尾使大
義無乖不合者率其長短以通之又為春秋左氏
解名曰全綜公羊穀梁解詁皆納經傳中朱書以
別之又撰周易訓注尺所諸述百餘萬言 唐志
劉兆三家集解十一卷 隋志劉兆公穀集傳十
三卷

晉王接注公羊

傳接謂公羊附經立傳經所不書傳不妄起於文
為儉通經為長任城何休訓釋甚詳而黜周王魯
大休卒破且志通公羊而住還為公羊疾病接乃
更注公羊春秋多有新義又撰烈女復傳七十二
人喪亂盡夫長子愆期緣父本意更注公羊又集

烈女後傳云 隋志公羊傳十三卷晉散騎常侍
王愆期撰梁有高龍注公羊十二卷孔衍集解十
四卷刁氏例序一卷 虞溥傳注春秋傳經 郭
瑀傳作春秋墨說孝經錯緯 戴記石季龍遺國
子博士詣洛陽寫石經校中經于秘書園于祭酒
聶熊注穀梁春秋列于李官

晉穀梁集解

范甯傳甯字武子以春秋穀梁氏未有善釋遂沈
思積年為之集解其義精審為世所重既而除邈
復為之注 隋志穀梁傳十二卷范甯集解傳例
一卷甯撰 穀梁先有尹更始唐固彙信孔愆江
頤段肅張靖等十餘家注解范甯以為膚淺乃商
畧名例為集解十二卷例一卷甯子泰雍觀從弟

邵及其父注門生故吏商畧同異撰諸子之言各
記姓名序曰左氏艷而富其失正穀梁清而婉其
失短公羊辨而裁其失俗左氏有服杜之注公羊
有何嚴之訓晁說之曰穀梁晚出於漢因得鹽
省左氏公羊之違畔而正之至其精深遠大者真
得子夏之所傳范甯又因諸儒而博辨之申穀梁
之志也其於是非亦少公矣非若征南一切申博
汲亡然不敢異同也晁公武曰三傳之季穀梁所
得最多諸家之解范甯之論最善

隋志徐乾注十三卷胡訥集解十卷程闡十卷孔
君指訓十卷張程孫劉四家集解四卷劉兆公羊
穀梁傳十二卷

晉春秋後語

見續春秋

唐志盧藏用春秋後語十卷

晉春秋博士

荀崧傳元帝䟽昨轉太常特左傳杜氏服氏各置博士一人其公羊穀梁省不置崧上䟽曰春秋公羊其書精隱明於斷獄穀梁簡約隱要孔子作春秋左丘明子夏造親受無不精究丘明撰所聞爲傳其書善祀多膏腴美辭張本繼末以發明經意信多奇偉儒者稱公羊高親受子夏立於漢朝辭義清後斷決明審多可采用董仲舒之所善也穀梁亦師徒相傳暫立於漢時劉向父子猶執一家莫肯相從其言文清義約所發明或左氏公羊所不載亦足訂正是以三家並行博士宜各置一人以傳其孝元帝詔曰穀梁膚淺不足立博士

餘如所奏

北史趙世業家有服氏春秋是晉世永嘉舊寫徐
遵明往讀之因手撰春秋義章為三十卷刘歆之
三傳畧例三卷李鉉撰定三傳異同 齊書永明
八年晉安王子懋撰春秋例苑三十卷奏之武帝
敕付秘閣 梁書刘之遴著春秋大意三傳同異
合三十事武帝詔答曰丘明傳朱泗之風公羊宗
西河之季張蒼傳左氏賈誼襲荀卿源本分鑣指
歸殊致 隋志春秋五辨二卷梁五經博士沈宏
撰春秋三傳評十卷胡訥撰左傳述義四十卷刘
炫撰 唐志梁簡文帝左氏傳例苑十八卷隋刘
炫昧十二卷規過三卷述議三十七卷

唐六十六家春秋

藝文志春秋六十六家一百部一千一百六十三
卷始於左丘明外傳國語次董仲舒繁露終於揚
士勛穀梁疏左氏之李有賈逵董遇王肅王郎杜
預鄭衆穎容劉寔服虔孫毓梁簡文殷吳 真
張冲孔穎達之屬公羊之李有董仲舒嚴彭祖何
休孔氏五經期之屬穀梁之李有尹更始假肅唐
固橐信張靖程闡孔衍苑寯徐乾徐邈沈仲義肅
邕江肥楊士勛之屬三傳則有刘兆韓益胡訥潘
叔度李鉉之李國語則有王肅唐固虞翻韋昭孔
晁之李又有士奕之注經干宝之義傳吳畧之詭
例京相璠顧啓明之地名大夫譜王延之謚李之
旨通叢林崔灵思沈宏文阿之義解義畧刘炫之
攻昧規過及荅問辞苑辨證義難之流不著錄者

始於王玄度注左氏傳左氏有纂要集傳義疏音
注序釋疑事類公穀有摠例以三傳名書有異同
指要摠例以春秋名書有後語振滯通圖集注集
傳纂例微旨辨疑加減指掌指元通例折衆義鑑
而終以柳宗元非國語凡二十二家四百三卷
隋志九十七部九百八十三卷 崇文目三十三
部三百九十六卷 中興目一百二十三家一千
四百八十卷 續書目十八卷 二十部四百卷
唐春秋正義

志春秋正義三十六卷孔穎達谷那律楊士勛朱
長才奉詔撰馬嘉是王德詔蘇德融隋德素等對
趙弘智覆審序曰前漢傳左氏 者有張蒼賈趙
尹咸劉歆後漢有鄭衆賈逵服虔許惠卿等各有

詁訓然雜取公穀以釋左氏晉杜元凱為集解專
取丘明之傳以釋孔氏之經晉宋傳授以至于今
為義疏者有沈文何蘇寬劉炫沈氏於經傳極疎
蘇氏唯旁攻賈服劉炫實為翺楚而性好非毀規
杜氏之失凡一百五十餘條然比諸義疏猶有可
觀今據以為本其有疏漏以沈氏補焉 志又有
楊士勣穀梁疏十二卷徐氏遠左傳義疏六十卷
書目類達參劉沈之說兩義俱遠則所以已意
崇文目春秋正義三十六卷穀梁公羊疏各三
十卷 隋志沈文何左氏經傳義畧二十五卷王
元規續十卷劉炫左傳述義四十卷
諸國各為書別名經傳要畧許康佐集左氏傳三
十卷一作崇御集 實錄太和九年四月癸亥許

康佐進纂集左氏傳三十卷五月乙巳朔以御集
左氏列國經傳三十卷宣付史館 會要太和九
年五月御集春秋左氏列國經傳三十卷

唐春秋摘微

書目盧仝春秋傳微一卷十二公羊凡七十六事
晁氏志唐盧仝春秋春摘微四卷其經解不用傳
然旨意甚踈韓愈謂獨抱遺經究終始蓋實錄也
祖無擇得之於金陵

唐三傳異同

會要元和四年四月給事中馮伉著三傳異同三
卷 志馮伉三傳異同三卷李氏三傳異同例十
三卷劉軻三卷指要十五卷

唐春秋加減

志一卷元和十三年國子監修定 書目 卷

訂正左氏句讀字畫訛舛

唐三傳總例 九經師例譜 春秋通例

韋表微傳敬宗時為翰林李士迂中書舍人尤好
春秋病諸儒執一槩是非紛然著三傳總例全會
經超又以孝者薄師道不如声樂賤二能尊其師
著九經師李譜詆其違 志成玄公公穀總例十
卷陸希声春秋通例李氏三傳異同例
北史張思伯善說左氏撰刊例十卷

唐春秋圖

志張傑春秋圖五卷又春秋指元十卷 書目春

秋圖一卷唐會昌中黃敬密撰春秋名號歸一圖

二卷名字同異 五卷蜀馮維先撰春秋龜鑑圖

一卷張暄撰自魯周迄陳蔡載其名氏 崇文目
春秋圖五卷演左傳謚族圖五卷春秋名号歸一
圖二卷

唐春秋指掌 圖

志李瑾十五卷 書目李瑾集諸家之說為序義
凡例各一篇抄孔穎達正義為五篇采摭餘條為
碎玉一篇集先儒異同辨正失得為三篇取劉炫
規過申訂其義為三篇大抵專主杜李 國史志
春秋指掌圖二卷融摭李瑾指掌為畱不著姓
唐春秋折衷

志陳岳三十卷

晁氏志春秋折衷論三十卷

陳岳撰以左氏為上公羊為中穀梁為下比其異
同而折中之 書目春秋折衷論記三傳異同參

求其長

唐春秋義鑑

義畧

志郭翔春秋義鑑三十卷儒家章懷太子春秋要

錄十卷 隋書張冲字叔元撰春秋義畧

春秋十二國年曆

國史志一卷春秋新義十卷林榮辨國語三卷

天禧春秋要言

見御製

天禧春秋纂類 集議畧論 統微 通義 會義

機括

書目天禧中葉清目取左氏傳隋事編類為二十
六門十卷名春秋纂類 慶曆中大理丞李充俞
辨三傳諸家得失及采陳岳折衷總其類例五百

餘目而成二百九十五論進表稱春秋集議畧論三十卷今分上下二卷 童拱之統微二十五卷據三傳啖趙意所不及者斷以見己并采陸淳可取之義 至和中太常博士王皙春秋通義十二卷據三傳注疏及啖趙之李其說通者所經文之下缺者用己意釋之又異義十二卷皇綱論五卷二十三篇 嘉祐中杜諤撰春秋會義二十六卷自左氏至啖趙及皇朝諸儒三十餘家集其論議繫經下 元豐中沈括撰春秋機括三卷上卷以魯公羊甲子紀周及二十國年諸中卷戴周及二十國譜系世次下卷記例國公子諸臣名氏其無異名者不錄

景祐春秋集傳

春秋要論

元年正月甲戌河北漕臣王公上集傳十五卷後
上書以春秋論事上嘉其好學詔獎論加直昭文
館十二月二十一日崇政殿說書賈昌朝撰春秋
要論十卷五冊 詔令舍人院試二年二月五日
詔直集賢院

慶曆春秋尊五發微

慶曆中國子監直講孫復著尊王發微十二篇大
約本於陸淳而增新意

皇祐春秋列國類纂 春秋辨要

皇祐五年宋敏修上所著列國類纂四月十三日
召試孝士院嘉祐三身楊會獻書意詩旨春秋辨
要十卷閏十二月二十六日命馬集賢校理

嘉祐春秋新意

成者牙堂堂房門子昇仁展通計少誦上建制事
著蒙書數十篇春秋新意七靈西北民言願亮時
務加祐元年翰林季士趙榮上其所著書十月二
十三日以為四門照敷

元豐左氏春秋年表

元豐中楊彥令撰二卷據經傳歲月為表首叙周
魯繼以齊晉秦宋衛陳蔡曹鄭吳楚越之國其下
總紀戎狄蠻夷之事 紹興中韓璜撰人表一卷
環中左氏二十國年表一卷列國臣子表十卷中
進春秋年表五年五月己亥沈子求奏先曹復周
非尊王意 乾德四年四月庚戌國子丞楊鈞上
魯史分門屬類賦三卷詔褒之 紹興十六年三
月鄭邦招進左氏韻類 元子祐中晁補之撰左

氏雜論一卷指左傳之失凡四十六條

宋朝春秋傳

劉敞著春秋傳十五卷權衡十七卷說例二卷文

權二卷意林五卷蘇轍傳十二卷趙鼎經解

義例三十卷春秋論二十卷孫覿經杜要義六

卷春秋李纂十三卷丁副春秋演聖統例二十

卷許洞春秋釋義五卷劉熙古春秋極論二

篇演例三篇任伯雨經傳十二卷馬擇言

春秋要類五卷家安國通義二十四卷張大

亨通訓十七卷陸佃後傳二十卷鄭昂春秋

臣傳三十卷黎錞春秋經解十二卷劉絢春

秋五卷王當春秋十二卷列國諸臣傳五十一

卷馮正符得法忘例論三十卷馮山通解十

二卷 余安行新傳十二卷 張根春秋指南十

卷 胡銓集善十三卷 鄭樵傳十二卷春秋考

十二卷 葉夢得春秋識三十卷春秋攷三十卷傳

二十卷 劉本春秋中論三十卷 高閔春秋集

注十四卷 洪興祖春秋本旨二十卷 薛季宣

經解指要十四卷 呂本中集解十二卷 呂祖

謙左傳類編二卷 陳傳良春秋後傳左氏章句

四十二卷

建炎春秋時論 春秋類纂

書目一卷建炎中李棠撰專采時議為論一十八

篇 鄭續采左氏為紀傳六十卷名春秋類纂

紹興春秋口義

二年十一月辛酉詔自今任講曰令經筵官輪進

春秋口義一授至開講日如旧三年二月丁亥朔
右諫議徐俯進春秋解義至天王使宰渠伯糾來
聘用左氏說父在故名上謂俯曰魯威公篡立天
王當致討既四年不問乃使其宰往聘失政刑失
故書名以貶之戊子俯乞編之記注 紹興中侍
講朱震講義三卷 侍講范冲左氏講義四卷
紹興春秋傳

建炎二年六月戊辰江端友講下湖州取崔子方
所著春秋傳藏秘書紹興五年四月一日詔徵獻
侍制胡安國經筵旧臣合以所著春秋傳彙述成
書進入十年三月書成上之詔獎諭凡三十卷十
萬餘言載孟氏而下七家發明經領之詞千卷首
事按 氏義采公穀之精者大綱本孟子而微詞

多以程氏之說為傳外復有貫總條例與証據史
傳及 李徒問答二百余章子寧集錄名曰通旨
卷

紹興春秋西譜

四年鄧名世上春秋四譜六卷辨論譜說十篇一
卷三月二十五日引見孔月六日賙出身充史館
校勘 崇文目春秋世譜七卷宗族名譜五卷
書目唐楊蘊撰春秋公子譜一卷載帝王以來
至春秋京兆杜氏春秋譜六卷 元祐中孫子平
練鳴道春秋人譜一卷凡編三十八國千七百六
十五人分三卷今合為一

紹興春秋明例 素志

書目一卷紹興中舒州亦衣王日休撰凡十篇通

謂之明例又冠以例要例意例釋 又有孫復解
三傳辨矢四卷 夏休撰春秋素志三百十五卷
凡三百萬餘言謂出於元經素王之志名曰素志
又畧其文而約說之為麟臺獨講十一卷 續目
淳熙中晁公武進故訓傳三十卷

紹興春秋總鑑 春秋正辭

十二年十二月庚申詔董自任上春秋總鑑可采
宜處以大李錄之職其書秘書省錄進凡十二卷類
集本末而為解義 十三年正月戊午畢良史獻
春秋正辭二十卷詔諫議羅汝揖司業高閔看詳
未上待改京官 十一年六月壬午吳曾猷所著
左氏發揮補古迪功郎

隆興左氏國紀 春秋分記

續目左氏國紀三十卷隆興初徐得之編折諸國之事每國各繫以年疏其說於後春秋分記九十卷程公說撰推春秋旨義即左氏傳分而記焉又旁采公穀諸子之說附其下又為年表世諸世本及天文疆域禮樂諸書次國小國著錄吳元緒鼓吹鄧垔類對文濟道綱領四卷又有蒙求三卷王舜俞序

淳熙春秋集解

春秋通意

十年六月二十三日知潭州林栗著經傳集解三十三卷乞投進十一年十二月四日上之付秘書十二年二月一日任清毀進曾祖伯春秋繹聖傳十二卷十四年九月十七日朱任進伯父長文春秋通右十冊書目通志二十卷折衷三傳

旁考啖趙陸淳之說及推演孫復之言

廣志卷之六十六終